




**bogfimisamband
Íslands**

AFREKSSTEFNA BFSÍ 2021-2029



Inngangur

Á árinu 2020 voru 11 aðildarfélög í 10 íþróttahéruðum með tæplega 750 skráða iðkendur sem iðka bogfimi innan vébanda BFSÍ. Margir til viðbótar stunda einnig bogfimi utan aðildarfélaga BFSÍ til heilsueflingar eða gamans.

Í bogfimi er keppt í fjölbreyttum íþróttagreinum og eru því nokkur EM og HM á ári hverju.

Markbogfimi er stærsta íþróttagreinin innan heimssambandsins og þegar talað er um bogfimi er oftast átt við markbogfimi. Markbogfimi skiptist í tvær megin greinar innandyrna og utandyra. Keppt er í tveim megin bogaflokkum, trissuboga og sveigboga. Mikilvægustu mót í markbogfimi eru nánast öll utandyra þar sem skotið er á 50 og 70 metra færi og keppt er í markbogfimi á Ólympíuleikum og Evrópuleikum á þeim vegalengdum.

Næst stærsta íþróttagreinin er víðavangsbogfimi. Þar er keppt í 3 megin bogaflokkum, berboga, sveigboga og trissuboga. Keppt er á 5-60 metrum á þekktum og óþekktum vegalengdum í breytilegu landslagi. Keppt er m.a. í víðavangsbogfimi á heimsleikum.

Aðrar greinar innan bogfimi eru meðal annars 3D-, hlaupa-, skíða-, clout-, hesta-, japanskri-, bardaga- og vegalengdabogfimi. En þær íþróttagreinar eru flestar minni og verður ekki fjallað um þær í afrekisstefnu BFSÍ að svo stöddu.

Bogfimi hefur verið stunduð í einu eða öðru formi í alla vega 64.000 ár¹ og hefur verið stunduð á Íslandi allt frá landnámi. Ördrag eða örskotshelgi voru meðal annars notaðar sem mælieiningar í fyrstu lagabókum Íslands fyrir um þúsund árum.

Á Ólympíuleikum var fyrst keppt í bogfimi í annað sinn sem leikarnir voru haldnir árið 1900. En bogfimi var tekin út af leikunum eftir 1920 leikana sökum þess að keppnisreglur um bogfimi voru ekki samræmdar milli þjóða og ekkert heimssamband var til fyrir íþróttina.² Fyrstu íþróttafélög á Íslandi byrjuðu að stunda bogfimi í núverandi formi íþróttarinnar stuttu eftir að bogfimi var tekin aftur inn á Ólympíuleikana árið 1972. Bogfimi er nú ein af kjarnagreinum Ólympíuleikana.³

Megin vöxtur og útbreiðsla bogfimi sem keppnisíþróttargrein á Íslandi hófst 2012 með opnun sérhæfðrar bogfimiaðstöðu sem opin var almenningi. Þá varð íþróttin mun aðgengilegri og sprenging varð í fjölda iðkenda og íþróttafélaga.

Íslandsmót í markbogfimi utandyra og innandyrna eru haldin árlega. Haldin eru sér mót fyrir opinn flokk, ungmenni og öldunga. Mótunum er aldurskipt í ungmennaflokka (U16, U18, U21), opinn flokk og 50+ og er aldur keppenda frá 10 til 80 ára.

Reglubundin þátttaka Íslands í bogfimi á alþjóðavettvangi hófst 2014 þar sem Ísland komst einnig í fyrsta sinn í úrslit HM.⁴ Ísland komst í fyrsta sinn í úrslit á EM árið 2016 í heimabæ Hróa Hattar Nottingham. Íslenskt afrekisfólk vann einnig reglulega til verðlauna í B og C landsliðsverkefnum í liða og einstaklingsgreinum og náðu hátt á Evrópu- og heimslista á síðasta áratug.⁵⁶⁷

1 <https://www.sciencealert.com/sri-lankan-rainforest-holds-earliest-evidence-for-bow-and-arrow-hunting-outside-of-africa#:~:text=Currently%2C%20the%20oldest%20evidence%20for,no%20more%20than%2018%2C000%20years>

2 <https://worldarchery.org/archery-olympic-games>

3 <https://www.olympic.org/news/oc-session-approves-25-core-sports-for-2020-games>

4 <https://www.visir.is/g/2014140309716/i-niunda-saeti-a-heimsmestaramoti-i-bogfimi>

5 https://www.mbl.is/sport/frettir/2017/05/31/allar_sveitir_íslands_skjota_til_verdlauna/

6 https://www.mbl.is/sport/fofbolti/2019/10/03/guðbjörg_i_undanuslit_thratt_fyrir_meidsli/

7 <https://www.ruv.is/frett/vaer-a-topp-100-a-hm-i-bogfimi>

Aðeins eru gefin stig á heims- og Evrópulista til íþróttafólks/liða sem komast í lokakeppni alþjóðlegra stórmóta í opnum flokki og því mikilvægt að taka þátt í þeim til að bæta stöðu og ásýnd Íslands.

Gerð, stjórnun og framkvæmd stefnunnar

Afreksstefnan er gerð af íþróttastjóra BFSÍ í samstarfi við stjórn og framkvæmdastjóra BFSÍ. Afreksstefnan er endurskoðuð reglulega, eigi síðar en á haust mánuðum ári fyrir bogfimiþing og er hún ávallt borin undir hreyfinguna á næsta formannafundi eða bogfimiþingi til samþykktar. Afreksstefna sem er samþykkt á þingum skal birta á heimasíðu BFSÍ.

Samantekt af helstu hlutverkum aðila.

Hlutverk stjórnar og framkvæmdastjóra BFSÍ í framkvæmd afreksstefnu BFSÍ.

- Sjá um fjármögnun afreksstefnunnar.
- Styðja við íþróttastjóra í sínum störfum.
- Styðja við félög í uppbyggingu, útbreiðslu, fjölgun iðkenda, aðildarféлага, þjálfara og dómara.
- Efla samskipti við aðildafélög og kynna fyrir þeim afreksstefnu BFSÍ.
- Efla vistkerfi viðburða sem haldnir eru innanlands.

Hlutverk íþróttastjóra.

- Sér um erlent og innlent afreksstarf og skipulag fyrir BFSÍ.
- Sér um innlent mótaskipulag.
- Skipuleggur þjálfun hópa.
- Íþróttastjóri skal hafa að lágmarki:
 - BFSÍ/WA stig 3 þjálfunarréttindi
 - Landsdómararéttindi stig 2

Hlutverk þjálfara sem koma að hæfileikamótun, þjálfun hópa eða landsliðsverkefnum A/B.

- Skipuleggja þjálfun íþróttafólks og/eða hópa sem þeir hafa umsjón með.
- Efla eiginleika og getu íþróttafólks, s.s. í forni, tækni og þekkingu.
- Fylgjast með og standa vörð um andlega og líkamlega heilsu íþróttafólks.
- Að þróa íþróttafólk í ungmennalandslið framtíðar.
- Æskilegt er að þeir þjálfarar hafi að a.m.k.:
 - BFSÍ/WA stig 2 þjálfunarréttindi.

Hlutverk aðildarféлага í Afreksstefnu BFSÍ.

- Fjölga iðkendum, viðburðum, dómurum og þjálfurum innan félagsins.
- Bæta aðstöðu til iðkunar innan félagsins fyrir iðkendur.
- Hvetja sína iðkendur til þátttöku í verkefnum BFSÍ.
- Kynna afreksstefnu BFSÍ fyrir sínum félagsmönnum.
- Styðja við félagsmenn sína fjárhagslega í landsliðsverkefnum.
- Að útvega fararstjóra og þjálfara fyrir sitt íþróttafólk í C landsliðsverkefnum á vegum BFSÍ með ótakmörkuðum kvóta (t.d. NUM).

Afrek og hópar

Skilgreining á verkefnum

A landsliðsverkefni: Heimsmeistaramót (HM) / Evrópumeistaramót (EM) / Evrópuleikar (EL) / Ólympíuleikar (ÓL) / Heimsleikar (HL) / Úrslitamót heimsmótaraða (World Cup Final og World Series Final).

B landsliðsverkefni: Heimsmeistaramót Ungmenna (HMU) / Evrópumeistaramót Ungmenna (EMU) / Evrópubikarmót Ungmenna (EBU) / Ólympíuleikar Ungmenna (ÓLU) / Heimsbikarmót (HB) / Evrópubikarmót (EB) / Norðurlandameistaramót (NM) / Smáþjóðaleikar (GSSE) / Undankeppnismót ÓL/EL/HL.

C landsliðsverkefni: Norðurlandameistaramót Ungmenna (NUM) / Heimsleikar framhaldsskóla og háskóla (Gymnasiade – Universiade) / Heimsmeistaramót-, Evrópuleikar- og Heimsleikar Öldunga / Önnur heimslista mót fullorðinna (s.s. Veronicas Cup, Asia Cup mótaröðin, Pan American mótaröðin, Indoor World Series mótaröðin)

D verkefni: Íslensk stór mót (s.s. Íslandsmeistaramót opinn flokkur)

Skilgreiningin á afrekum

Afreksfólk - á heimsmælikvarða:

Íþróttafólk sem vinnur þátttökurétt á ÓL, EL eða HL. Íþróttafólk í úrslitum á HM/EM/heimsmótaraða. Íþróttafólk í efstu 50 sætum á heimslista.

Afreksfólk:

Íþróttafólk sem uppfyllir skilyrði til þess að geta unnið þátttökurétt á ÓL, EL eða HL. Íþróttafólk sem er í topp 50% á heimslista. Íþróttafólk sem er í topp 50% sæta í A landsliðsverkefnum.

Afreksefni:

Íþróttafólk sem er í úrslitum HM -, EM - eða Evrópubikarmótum ungmenna.

Annað

Úrslit eru skilgreind sem 16 efstu í niðurstöðum móts (áttundar úrslit). Lokakeppni er skilgreind sem þeir sem halda áfram í útsláttarkeppni eftir undankeppni móts (s.s. efstu 128, 104, 64, 32, 24 eftir reglum hverrar íþróttagreinar/keppnisgreinar/móts um ræðir).

Viðmiðið er að íþróttamaður hafi náð viðeigandi viðmiði fyrir afreksfólk/afreksefni á síðustu 4 árum, en virkni/staða allra er endurskoðuð árlega.

Bogfimiíþróttir eru flokkaðar sem einstaklingsíþróttir innan ÍSÍ. Árangur liða í einstaklingsíþróttum er flokkað sem árangur þess íþróttafólks sem liðið samanstóð af. Miðað er við hæstu niðurstöðu viðkomandi í hverju tilfelli (óháð íþróttagreini, keppnisgreini, liðakeppni eða einstaklingskeppni).

Val í hópa

Landslið/ungmennalandslið.

Íþróttastjóri velur í landslið/ungmennalandslið og landsliðsverkefni í samræmi við reglugerðir BFSÍ.

Hæfileikamótun.

Íþróttastjóri velur árlega íþróttafólk í hæfileikamótun BFSÍ. Áhersla í hæfileikamótun er sett á íþróttafólk sem er 13-17 ára (U18).

Almenn þátttaka

Fjöldi iðkenda innan aðildarfélaganna hefur verið á mikilli uppleið á síðasta áratug og markmið BFSÍ að stuðla að því að sú aukning muni halda áfram á tímabili stefnunnar. Heildar umfang íþróttarinnar er þó áætlað mun stærra, áætlað er að þúsundir manna iðki bogfimi reglulega sem heilsuefningu og til gamans utan aðildarfélaganna BFSÍ. Mikilvægt er að gera BFSÍ og aðildarfélög þess aðlaðandi fyrir einstaklinga í grasrótinni til þess að gerast aðilar að aðildarfélögum innan BFSÍ, s.s. með viðburðum sem eru sérstaklega miðaðir á grassrótina. Þá myndast einnig möguleiki á því að stýra fleiri aðilum í átt að afreksvegi og sýnir réttari mynd af umfangi íþróttarinnar.

Iðkendur aðildarfélaganna byrja almennt að tengjast BFSÍ á aldrinum 10 til 20 ára með þátttöku í fjarviðburðum á vegum BFSÍ og/eða með þátttöku á Íslandsmótum ungmenna í U16, U18 eða U21 aldursflokki. Undirstaða að sterkum landsliðum framtíðar er sterkt ungmenna starf innan aðildarfélaganna. Hæfileikamótun BFSÍ samanstendur af hópa- og einstaklingsverkefnum til að stuðla að fleiri ungmenni aðildarfélaganna nái viðmiðum fyrir ungmennalandslið framtíðar. Efsta getustig íþróttarinnar er opinn flokkur á Íslandsmeistaramótum. Þátttaka á efsta getustigi íþróttarinnar hefur almennt fylgt fjölda skráðra iðkenda og er um 5-10% skráðra iðkenda.

Mikilvægt er að BFSÍ stuðli að fjölgun iðkenda, keppenda, aðildarfélaganna og bogfimivalla, í þeim tilgangi að auka tækifæri til þátttöku í bogfimiíþróttum. Ásamt því að stuðla að afreksstarfi ungmenna innan aðildarfélaganna BFSÍ.

Dómgæsla

Í dómgæslu fer BFSÍ eftir viðmiðum Evrópu- (WAE) og heimssambandsins (WA)

Hlutverk BFSÍ er að stuðla að fjölgun landsdómara og efnilegra alþjóðlegra dómara með því að tryggja að nauðsynleg dómaramenntun sé reglulega í boði fyrir öll dómarastig. Staða dómara á Íslandi er metin árlega og haldið er um lista yfir dómara með virk réttindi á vefsíðu BFSÍ. Landsdómarar þurfa að hafa langa starfsreynslu áður en þeim er heimilt að sitja námskeið og próf til þess að sinna dómgæslu fyrir WAE/WA og teljast alþjóðlegir dómarar. Alþjóðlegir dómarar þarfnast endurmenntunar á tveggja til fjögurra ára fresti og má hver þjóð að hámarki eiga níu alþjóðlega dómara með virk réttindi.

Stefnt verður að því á tímabili stefnunnar að halda árleg landsdómaranámskeið og próf, og að fjölga alþjóðlegum dómurum úr einum í tvo.

Þjálfun

Í þjálfun fer BFSÍ eftir viðmiðum heimssambandsins (WA) og Íþrótt og Ólympíusambands Íslands (ÍSÍ)

BFSÍ notfærir sér þjálfaramenntun WA fyrir sérsambandshluta sem er framkvæmd í samstarfi við landssambönd. Þjálfaramenntun ÍSÍ er almenni hluti þjálfaramenntunar og enginn telst hafa lokið þjálfarastigi fyrr en báðum hlutum er lokið á hverju stigi. Hlutverk BFSÍ er að tryggja að nauðsynleg þjálfaramenntun sé reglulega í boði fyrir öll þjálfarastig og stuðla að fjölgun þjálfarakennara á Íslandi. BFSÍ mun standa fyrir námskeiðum fyrir þjálfarastig 1 og 2, og aðstoða áhugasama þjálfara sem hafa náð kröfum að komast á stig 3 erlendis. Staða þjálfara á Íslandi er metin árlega og er lista yfir starfandi þjálfara með virk réttindi viðhaldið á vefsíðu sambandsins. Endurmenntun afreksþjálfara (stig 3) er gerð eftir tilmælum heims- og Evrópusambandsins á tilfallandi námskeiðum/verkefnum á vegum þeirra. Þjálfarar í verkefnum á vegum BFSÍ skulu hafa lokið viðeigandi þjálfaramenntun.

Stefnt verður að því á tímabili stefnunnar að bjóða árlega upp þjálfaranámskeið og próf, og að allir virkir þjálfarar hafi lokið bæði almenna hluta ÍSÍ og sérgreinahluta BFSÍ/WA.

Afreksstarf

Megin markmið með skipulögðu afreksstarfi BFSÍ er að afreksfólk og lið BFSÍ skipi sér í sess með þeim bestu í heiminum hverju sinni. BFSÍ mun stilla verkefnum upp þannig að þau hámarki bæði árangur og þátttöku landsliða BFSÍ. Til þess að svo megi verða þarf BFSÍ að haga afreksstarfi sínu með faglegri umgjörð s.s.

- Setja og viðhalda skýrum reglum um val á þátttakendum í landslið og landsliðsverkefni
- Undirbúa landsliðsverkefni vandlega, skipulega og tímanlega.
- Veita hópum og öðrum hlutaðeigandi ítarlegar, nytsamar og tímanlegar upplýsingar.
- Sjá til þess að aðstaða sé eins góð og best verður á kosið og að til staðar sé viðeigandi búnaður.
- Skipa nægilegan fjölda fararstjóra.
- Ráða viðeigandi fjölda hæfra þjálfara.
- Veita afreksmönnum þá stoðþjónustu sem þeir þurfa, s.s. heilbrigðisteymi o.fl.

Íþróttafólk í hópum BFSÍ skila mánaðarlega upplýsingum um ástundun og æfingarmagn, ásamt viðeigandi mælikvörðum o.fl. til almennrar eftirfylgni og viðhalds.

Ungmennni hefja almennt þátttöku í afreksstarfi BFSÍ í samstarfi við aðildarfélagin á Norðurlandameistaramóti ungmenna (NUM) á aldrinum 13-20 ára í U16, U18 eða U21 flokkum. BFSÍ kemur að þjálfun ungmenna þegar þau eru skilgreind í U18 eða U21 B landsliðsverkefni eða í hæfileikamótun BFSÍ.

Heilbrigðisteymi

Hlutverk heilbrigðisteymis BFSÍ er að miklu leyti að fyrirbyggja og meðhöndla meiðsli íþróttafólks í starfi BFSÍ og stuðla að heilbrigðu/ábyrgu líferni. Heilbrigðisteymi BFSÍ skal innihalda a.m.k.:

Sjúkrþjálfara: Þeir fylgjast með stöðu íþróttamanna í hópum BFSÍ til að fyrirbyggja og taka á meiðslum og viðhaldi líkamsbyggingar. Er þar meðal annars að ræða fyrirbyggjandi æfingar, viðbrögð við slysum og meðferðir vegna meiðsla. Meðferð er sniðin að hverjum íþróttamanni fyrir sig eftir þörfum hvers og eins.

Íþróttasálfræðing: Íþróttasálfræðingur heldur fyrirlestur a.m.k. einu sinni á hverju fjögurra ára Ólympíutímabili þar sem helstu atriði íþróttasálfræði eru kynnt. Íþróttafólk í landsliðum stendur til boða að fá einstaklingsbundna tíma með íþróttasálfræðingi eftir þörfum. Andleg þjálfun og undirbúningur er mikilvæg á efstu stigum íþróttarinnar. Einnig er mikilvægt að kynna íþróttasálfræði snemma fyrir íþróttafólki í hæfileikamótun og ungmennalandsliðum.

Næringarfræðing: Næringarfræðingur heldur fyrirlestur a.m.k. einu sinni á hverju fjögurra ára Ólympíutímabili þar sem helstu atriði næringar og mataræðis íþróttafólks er kynnt. Íþróttafólki í landsliðum stendur til boða að fá einstaklingsbundna tíma með næringarfræðingi eftir þörfum hvers íþróttamanns og er til taks fyrir BFSÍ.

Þar sem mögulegt verður mun fagaðili fylgja landsliði í þáttökumestu A landsliðsverkefni en á erlendum mótum verður að mestu leitast eftir samstarfi við heilbrigðisteymi mótshaldara, samstarfsþjóða og/eða heimaliðs. Á Íslandi hefur BFSÍ einnig greiðan aðgang að íslenska heilbrigðiskerfinu þar sem hægt er að leita til sérfræðilækna með stuttum fyrirvara.

Markmið BFSÍ er að bjóða landsliðum BFSÍ stoðþjónustu í hæsta gæðaflokki í tengslum við þjálfun og keppni þeirra.

Aðstaða og búnaður

BFSÍ reynir að nota bestu bogfimiaðstöðu sem er fyrir hendi fyrir afreksstarf sambandsins. Meirihluti afreksstarfs BFSÍ mun fara fram í aðstöðu sem er á höfuðborgarsvæðinu.

Mögulegt er að stunda bogfimi í flestum íþróttasölum landsins innandyra og á flestum íþróttavöllum utandyra. Víðavangsbogfimi er hægt að stunda hvar sem öryggi leyfir óháð landslagi. Því ættu ekki að vera mikil vandkvæði við uppbyggingu aðstöðumála fyrir núverandi og ný íþróttafélög tengt svæðum fyrir venjulega iðkendur. Þó hefur reynst erfitt fyrir félög að fá tíma á íþróttasvæðum og tímafrekt er að setja upp og taka niður bogfimisvæði til æfinga vegna búnaðar og öryggis. Því væri æskilegt að fá sér skilgreind svæði til iðkunar bogfimi.

Þó að aðgengi að aðstöðu um landið fyrir venjulega iðkendur sé möguleg, er vöntun hjá flestum aðildarfélögum á búnaði til þess að geta stundað íþróttina og byggja upp iðkenda-fjölda. Ásamt því er skortur á betri búnaði til að geta byggt upp afreksstarf innan félaga. Góður búnaður til þess að koma yngri iðkendum á hærri stig íþróttarinnar alþjóðlega er dýr og þarf að skipta honum reglulega út eftir framförum. Það er oft ljón í veginum fyrir því að koma fleiri iðkendum í ungmennalandslið og herra.

BFSÍ stefnir að því á tímabili stefnunnar að styðja við aðildarfélögin í að skapa og þróa æfingar/keppnisaðstöðu og bæta framboð á búnaði innan aðildarfélagana.

Langtímamarkmið BFSÍ er að landslið hafi aðgang að þjóðarleikvangi þar sem hægt er að æfa á öllum helstu keppnisvegalengdum og halda alþjóðleg mót. Erfitt er fyrir sambandið að gera sér grein fyrir hvenær þetta getur orðið, en ólíklegt þykir að það verði að veruleika á tímabili þessarar stefnu.

Fjármögnun

Fjárhagsáætlun er gerð til tveggja ára í senn af framkvæmdastjóra, íþróttastjóra, gjaldkera og formanni BFSÍ. Hún er lögð fyrir stjórn og að lokum fyrir bogfimiþing BFSÍ annað hvert ár.

Hluti af fjármögnun afreksstarfs kemur frá styrkjum frá Afrekssjóð ÍSÍ og að hluta frá ÍSÍ í gegnum lottótækjur og ríkisstyrki. Styrktaraðilar BFSÍ spila einnig mikilvægt hlutverk í rekstri afreksstarfsins, en stærsti hluti kostnaðar afreksstarfs liggur á íþróttafólkinu sjálfu.

Skammtímamarkmið fjármögnunar er að styrkja landslið BFSÍ með því að festa upphæðir fyrir helstu A og B landsliðsverkefni þar afreksfólk og/eða lið eiga mesta möguleika á árangri, í stað þess að keppendur þurfi að borga allan þann kostnað sem til fellur. Lögð verður mest áhersla á að fjármagna lið sem líklegt telst að komist í úrslit A landsliðsverkefna og afreksfólk sem keppir um þátttökurétt á ÓL, EL og HL.

Langtímamarkmið BFSÍ er að kostnaður við þátttöku í A og B landsliðsverkefnum verði þeim keppendum að kostnaðarlausu. Þessu markmiði skal reyna að ná á gildistíma stefnunnar.

Helstu leiðir til að ná þeim markmiðum eru meðal annars:

1. Að styðja við aðildarfélög að nýta styrkjamöguleika íþróttahéraða og bæjarfélaga vegna afreksíþróttafólks innan þeirra vébanda.
2. Að halda viðburði sem eru sérstaklega gerðir til að fjármagna ferðir landsliða.
3. Að sækja um styrki í Afrekssjóð ÍSÍ.
4. Að efla samstarf við styrktaraðila.

Skammtíamarkmið

Innan fjögurra ára eru lykilmarkmið afreksstefnu BFSÍ að:

Almennt:

- Iðkendum í ungmenna flokkum fjölgi um a.m.k. 5% á hverju ári.
- Keppendum á Íslandsmótum fjölgi um a.m.k. 5% á hverju ári.
- Fjárfesta í búnaði sem þarf til þess að geta haldið stór alþjóðleg mót fyrir lok 2024.
- Þjóða upp á dómara- og þjálfaranámskeið árlega fyrir lok 2022.
- BFSÍ eigi a.m.k. 2 alþjóðlega dómara fyrir lok 2024.
- Gera ætlun um stoðþjónustu sem er í boði fyrir afreksfólk fyrir lok 2022.

Afreksstarf

- BFSÍ eigi a.m.k. 3 keppendur (eða 1 lið) í úrslitum A landsliðsverkefna árlega fyrir lok 2025.
- BFSÍ eigi a.m.k. 1 keppanda á Evrópuleikum 2023.
- BFSÍ eigi a.m.k. 1 keppanda meðal 100 efstu á heimslista fyrir lok 2023.
- BFSÍ eigi a.m.k. 4 keppendur í lokakeppni um þátttökurétt á Ólympíuleika 2024.

Afreksstarf ungmenna

- Keppendum á NUM fjölgi um a.m.k. 5% á hverju ári.
- BFSÍ eigi a.m.k. 3 keppendur (eða 1 lið) í verðlaunasætum Evrópubikarmótum ungmenna fyrir lok 2023.
- BFSÍ eigi a.m.k. 5 keppendur (eða 2 lið) í úrslitum EM/HM ungmenna fyrir lok 2023.

Langtíamarkmið

Innan 5-10 ára eru lykilmarkmið afreksstefnu BFSÍ að:

Almennt:

- Iðkendum í ungmenna flokkum fjölgi um a.m.k. 5% á hverju ári.
- Keppendum á Íslandsmótum fjölgi um a.m.k. 5% á hverju ári.
- Þjóða upp á dómara- og þjálfaranámskeið árlega.
- Halda og/eða komin langt með skipulag s.s. NM, NUM og/eða EM á Íslandi fyrir lok 2029.
- Efla þjónustu heilbrigðisteymis með viðbótum fleiri fagsviða fyrir lok 2028.

Afreksstarf

- BFSÍ eigi a.m.k. 9 keppendur (eða 3 lið) í úrslitum A landsliðsverkefna árlega fyrir lok 2028.
- BFSÍ eigi a.m.k. 4 keppendur meðal 100 efstu á heimslista fyrir lok 2026.
- BFSÍ eigi a.m.k. 2 keppendur á Evrópuleikum 2027.
- BFSÍ eigi a.m.k. 1 keppanda á Ólympíuleikum 2028.

Afreksstarf ungmenna

- Keppendum á NUM fjölgi um a.m.k. 5% á hverju ári til 2029.
- Keppendum í B landsliðsverkefnum ungmenna (s.s. HM/EM/Evrópubikarmót ungmenna) fjölgi um a.m.k. 5% á hverju ári 2023-2029
- BFSÍ eigi a.m.k. 5 keppendur (eða 3 lið) í verðlaunasætum Evrópubikar ungmenna fyrir lok 2027.
- BFSÍ eigi a.m.k. 3 lið (6 keppendur) í úrslitum EM/HM ungmenna fyrir lok 2029.